



REPUBLIKA E SHQIPËRISË
MINISTRIA E SHËNDETËSISË
KOMISIONI I MBROJTJES NGA RREZATIMET

Nr 6097/7 prot

Tiranë, më 24 /10 /2014

Lënda: Procedurat, formati shpjegues dhe vlerësimi i aplikimit për pajisjen me akt miratimi të veprimtarive me burime të rrezatimit jojonizues, Formatimi i Vërtetimit.

Aplikimi për pajisjen me akt miratimi bëhet për të gjitha veprimtaritë që i parashikon ligji “Për mbrojtjen nga rrezatimet jonizuese” Nr.10469, datë 13.10.2011. Aplikimi për akt miratimi bëhet pranë ZMR-së (Zyra e Mbrojtjes nga Rrezatimi) tek personi i ngarkuar për këtë qëllim (jo në mënyrë elektronike ose me postë). Personi përgjegjës pret përdoruesit dhe jep sqarimet e nevojshme në lidhje me aplikimin për aktin e miratimit. Personi përgjegjës në ZMR, i vë në dispozicion aplikimin dhe formatin sqarues për plotësim të mëtejshëm. Pas plotësimit, aplikimi dorëzohet nga një person i autorizuar i subjektit në ZMR. Personi përgjegjës në ZMR plotëson formatin e caktuar (bashkëngjitur këtij materiali), duke shënuar datën e dorëzimit, numrin e fletëve, i cili mbahet në dy kopje, ku një kopje i jepet përdoruesit si vërtetim i dorëzimit të dokumentacionit. Personi përgjegjës i ZMR-së bën një vlerësim të përgjithshëm të aplikimit duke parë plotësimin e të gjitha rubrikave dhe pas plotësimit të dosjes ajo firmoset në faqen e parë nga ai dhe i dërgohet Kryetarit për procedurë të mëtejshme, jo më vonë se 24 orë nga momenti i dorëzimit. Në qoftë se për arsye të ndryshme personi përgjegjës nuk gjendet në ZMR, paraprakisht kjo detyrë i ngarkohet në mënyrë të përkohshme një prej inspektorëve të ZMR-së me miratim të Kryetarit.

Kryetari bën shpërndarjen tek inspektorët e ZMR-së, për vlerësimin e mëtejshëm nëpërmjet shënimeve përkatëse. Për plotësimin e raportit vlerësues mund të kërkojnë dokumente shtesë, kur është e nevojshme, ose bëhet verifikimi në vend nëpërmjet një inspektimi në ambjentet, ku do të kryhet veprimtaria. Ky vlerësim bazohet në metodikën e llogaritjes së përmasave të zonës kritike të shpërhapjes së rrezatimit të një antene celulare miratuar nga ana e KMR-së (Komisionit të Mbrojtjes nga Rrezatimet) Nr. 822/2 datë 13/02/2013.

Raporti vlerësues duhet të jetë i plotë dhe duhet të përfshijë të gjithë elementet sipas Modelit për Vlerësim (bashkëngjitur këtij materiali). Të sigurojë që e gjithë veprimtaria, është në përputhje me rregulloren dhe metodikën e miratuar, si dhe të gjithë elementet e aplikimit për aktin e miratimit të jenë plotësuar. Ky raport vlerësues përgatitet brenda 1 dite. Raporti mban në fund firmën e vlerësuesit dhe datën e dorëzimit tek Kryetari i ZMR-së.

Ky raport i paraqitet Komisionit të Mbrojtjes nga Rrezatimet për dhënien e vendimit përfundimtar në lidhje me këtë veprimtari. Mbas miratimit nga KMR firmoset dosja përfundimtare nga Kryetari i ZMR-së. Dosja depozitohet në ZMR.

E gjithë veprimtaria e mësipërme në ZMR duhet të jetë pjesë e punës në grup, si element shumë i rëndësishëm në realizimin me sukses të detyrave.

Format shpjegues në lidhje me plotësimin e aplikimit.

KËRKESË PËR AKT MIRATIMI PËR VEPRIMTARINË E BURIMEVE TË RREZATIMEVE JOJONIZUESE

Aplikimi duhet të plotësohet në të gjitha pikat dhe në të mund të shtohen fletë në formatin A4 me shpjegime, shtesa(ë) duke iu referuar kërkesave përkatëse në aplikim.

Aplikim i ri _____
Amendim i akt miratimit _____

1. Personi juridik/fizik: Institucioni _____
Emri Mbiemri _____
Adresa _____
Tel _____
Fax _____
E-mail _____

Studimi për vlerësimin e shpërndarjes së rrezatimit jojonizues të bëhet nga një ekspert i njohur nga KMR (Komisioni i Mbrojtjes nga Rrezatimet). Në lidhje me këtë pikë të përgatitet një material me shkrim nga ana e ekspertëve mbi shpërhapjen e rrezatimit jojonizues në përputhje me dokumentin e miratuar nga KMR, Nr. 822/2 datë 13/02/2013, mbi metodikën e llogaritjes së përmasave të zonës kritike të shpërhapjes së rrezatimit të (një celi) celëve për çdo stacion bazë, si dhe dokumente të tjera të miratuara nga ana e KMR-së. Ky material duhet të firmoset si nga eksperti, ashtu dhe nga përfaqësuesi i autorizuar i kompanisë dhe të firmoset në çdo faqe.

Studimi duhet të ketë një rreshtim metodik të kërkesave të nevojshme për prezantim, llogaritje dhe vlerësim përfundimtar të situatës dozimetrike, duke iu referuar mbrojtjes së publikut në përputhje me kërkesat e VKM, Nr. 743 dt. 16.10.2012, si më poshtë:

Pika 1.(e aplikimit) Të plotësohet aplikimi për aktin e miratimit me të gjitha të dhënat që kërkohen. Të bashkëngjitet ekstrakti me të dhënat e qarta për subjektin dhe veprimtarinë në momentin e aplikimit. Të paraqitet një kopje e certifikatës së konformitetit të pajisjeve gjeneruese të rrezatimit.

Pika 2. Të përshkruhen ambientet, ku kryhet veprimtaria me rrezatime jojonizuese. Të paraqitni me të dhëna të sakta topografinë e instalimit të stacionit bazë për të cilin kërkohet akt miratim.

Të jepet një përshkrim i saktë i pozicionit të stacionit bazë (koordinatat gjeografike) dhe objekteve rreth stacionit duke përfshirë distancat, katet dhe lartësitë e objekteve. Ky përshkrim të jepet në një planimetri, format A3 dhe në një shkallë 1:200. Të paraqiten foto prezantuese të antenës, stacionit bazë dhe vendvendosjes së kullës (në tokë) dhe shtyllës (në tarracë – çati) si dhe objekteve (ndërtesave) më të afërta me vendin e instalimit.

Ekspertiza duhet të paraqesë gjeometrikisht pozicionin e celit (celeve) të një stacioni bazë, të një operatori tjetër në shtyllën/kullën të ngritur në çati-tarracë/tokë të burimeve të tjera të rrezatimeve jojonizuese, kur celet janë në distancë më të vogël se 50m me celet e stacionit bazë në studim.

Pika 3. Eksperti duhet të paraqesë:

- Tipet e antenave të instaluar.
- Vendndodhjen e saktë të shtyllës/kullës.
- Fuqitë në hyrje në çdo cel për çdo bandë dhe bandat e frekuencave të operimit.
- Koeficientin e amplifikimit në lobin qendror të antenës dhe koeficientin e amplifikimit në lobin dytësor më të madh (të nxjerra nga të dhënat e pasaportës së antenës).
- Azimutin e çdo celi.
- Përkuljet mekanike dhe elektrike të çdo antene.
- Këndi i hapjes vertikale të tufës së çdo antene.
- Lartësinë e pikës mbi të cilën janë bërë llogaritjet.
- Nëse ka cele të afërta të kompanive të tjera që ndikojnë në vlerësim, duhet të përcaktojë shtrirjen hapësinore të zonës kritike rezultante.
- Të përcaktohet se shumatorja e këtyre burimeve nuk e kalon kufirin e lejuar.
- Të bëhet paraqitja grafike e zonës kritike në planet xOz për çdo cel dhe kur ka elemente ndërhyrës në drejtimet e tjera të jepen edhe sipas xOy dhe yOz , ose të jepen koordinatat e projeksioneve të pikave ekstreme të zonës kritike.

Eksperti në vlerësimin e tij duhet të marrë në shqyrtim parametrat me të cilët bëhet ekspozimi më i madh, se ato që janë realisht nga instalimi dhe funksionimi i SB, p.sh.: në rastin e celeve që kanë fuqi e rrjedhimisht shpërndarje të ndryshme, mund të supozojë se të gjitha celet kanë fuqinë (dhe shpërndarjen) si celi me fuqi më të madhe dhe përkulje më të madhe, ç'ka është në favor të mbrojtjes së publikut.

Nëse ka cele të afërta të kompanive të tjera në distancë më të vogël se 50m nga celet e stacionit në vlerësim, eksperti duhet të marrë në konsideratë zonën kritike të përbashkët. Në rastin kur nuk është e mundur gjetja e të dhënave të stacioneve të tjera fqinje, eksperti përdor të dhëna në dobi të publikut, duke konsideruar për stacionet bazë fqinje fuqitë

maksimale të lejuara për operim nga Autoriteti Komunikimeve Elektronike e Postare (AKEP).

Eksperti duhet të tregojë se, Zona Kritike rezultante e stacionit bazë në studim (shumatorja e fushave të dy operatorëve) kalon ose jo nivelet e referencës në zonat (hapësirat) ku mund të ketë prani të publikut.

Mosdeklarimi i të dhënave të sakta të stacionit dhe gjeneratorëve të burimeve të rrezatimit jojonizues, që implikojnë fushën e përhapjes së stacionit, mbeten përgjegjësi e kompanisë.

Në çdo vlerësim për akt miratimi eksperti duhet të përcaktojë me shkrim, se përmasat e zonës kritike janë të tilla, që nuk prekin zonat publike dhe janë në përputhje me VKM, Nr.743, datë 16.10.2012, Rregullore “Për mbrojtjen e publikut nga rrezatimet jojonizuese”



REPUBLIKA E SHQIPËRISË
MINISTRIA E SHËNDETËSISË
KOMISIONI I MBROJTJES NGA RREZATIMI
ZYRA E MBROJTJES NGA RREZATIMI

Vlerësim i aplikimit për pajisjen me Akt Miratimi të veprimtarisë me burime të rrezatimit jojonizues

Subjekti (emri), me përfaqësues Z. ka aplikuar pranë ZMR-së, në datë për t'u pajisur me akt miratimi / ose amendim të aktit të miratimit për veprimtari me burime të rrezatimit jojonizues. Stacioni bazë ndodhet në adresën: Rruga, Nr., Qyteti, Tel....., E-mail

Stacioni Bazë

Stacioni bazë ka të dhënat më poshtë:
Numër identifikues i SB. - Emërtim
Struktura e site-t: Mast/Kullë
Banda me frekuenca: MHz
Fuqitë e transmetuara në çdo cel dhe për çdo bandë:
Këndet (azimut-et) e celeve janë përkatësisht:

Subjekti në aplikimin e tij ka plotësuar rubrikat e aplikimit për akt miratimi, në përputhje me rregulloren **Nr.743, datë 16.10.2012, “Për mbrojtjen e publikut nga rrezatimet jojonizuese”**.

Aplikimi

1-Subjekti ka plotësuar:
Aplikimin për akt miratimi.

Është paraqitur ekstrakti i QKR-së si dhe çertifikata e konformitetit për stacionin bazë.

Të plotësohet aplikimi për akt miratimi me të gjitha të dhënat që kërkohen. Të bashkëngjitet ekstrakti me të dhëna të qarta për subjektin dhe veprimtarinë në momentin e aplikimit. Të paraqitet një kopje e çertifikatës së konformitetit të pajisjeve gjeneruese të rrezatimit.

Studimi për vlerësimin e shpërndarjes së rrezatimit jonizues është bërë nga një ekspert i njohur nga KMR. Në lidhje me këtë pikë, është paraqitur një material me shkrim nga ana e ekspertëve mbi shpërhapjen e rrezatimit jojonizues, në përputhje me dokumentin e miratuar nga KMR, Nr. 822/2 datë 13/02/2013, mbi metodikën e llogaritjes së përmasave të zonës kritike të shpërhapjes së rrezatimit të (një celi) celeve për çdo stacion bazë, si dhe dokumente të tjerë të miratuar nga ana e KMR-së. Ky material është firmosur si nga eksperti, ashtu dhe nga përfaqësuesi i autorizuar i kompanisë dhe të firmosura në çdo faqe.

Studimi ka një rreshtim metodik të kërkesave të nevojshme për prezantim, llogaritje dhe vlerësim përfundimtar të situatës dozimetrike, duke ju referuar mbrojtjes së publikut në përputhje me kërkesat e VKM, Nr. 743 dt. 16.10.2012, si më poshtë:

Pika 1 (e aplikimit). Aplikimi për aktin e miratimit është plotësuar me të gjitha të dhënat që kërkohen.

Pika 2. Përshkruani ambientet ku kryhet veprimtaria me rrezatime jojonizuese.

Janë paraqitur të dhëna të sakta për topografinë e instalimit të stacionit bazë për të cilin kërkohet akt miratim.

Jepet një përshkrim i saktë i pozicionit të stacionit bazë (koordinatat gjeografike) dhe objekteve rreth stacionit, duke përfshirë distancat, katet dhe lartësitë e objekteve. Ky përshkrim të jepet në një planimetri, format A3 dhe në një shkallë 1:200. Të paraqiten foto prezantuese të antenës, stacionit bazë dhe vendvendosjes së kullës (në tokë) dhe shtyllës (në tarracë-çati) si dhe objekteve (ndërtesave) më të afërta me vendin e instalimit.

Ekspertiza paraqet gjeometrikisht pozicionin e celit (celeve) të një stacioni bazë të një operatori tjetër në shtyllën/kullën të ngritur në çati-tarracë/toke të burimeve të tjera të rrezatimeve jojonizuese, kur celet janë në distancë më të vogël se 50m nga celet e stacionit bazë në studim.

Është kryer ekspertiza nga eksperti i njohur nga KMR . Në lidhje me këtë pikë eksperti ka përcaktuar:

- Tipet e antenave të instaluara.
- Vendndodhjen e saktë të shtyllës/kullës.
- Fuqitë në hyrje në çdo cel, për çdo bandë dhe bandat e frekuencave të operimit.
- Koeficientin e amplifikimit në lobin qendror të antenës dhe koeficientin e amplifikimit në lobin dytësor më të madh (të nxjerra nga të dhënat e pasaportës së antenës).
- Azimutin e çdo celi.
- Përkuljet mekanike dhe elektrike të çdo antene.
- Këndi i hapjes vertikale të tufës së çdo antene.
- Lartësinë e pikës mbi të cilën janë bërë llogaritjet.
- Nëse ka cele të afërta të kompanive të tjera që ndikojnë në vlerësim, duhet të përcaktojë shtrirjen hapësinore të Zonës Kritike rezultante .
- Nëse shumatorja e këtyre burimeve nuk e kalon kufirin e lejuar.

- Të jepet paraqitja grafike e zonës kritike në planet xOz për çdo cel dhe kur ka elemente ndërhyrës në drejtimet e tjera të jepen edhe sipas xOy dhe yOz , ose të jepen koordinatat e projeksioneve të pikave ekstreme të zonës kritike.

Eksperti në vlerësimin e tij ka marrë në shqyrtim parametrat maksimale, me fuqi më të madhe dhe përkulje më të madhe, ç 'ka është në favor të mbrojtjes së publikut.

Për cele në distancë më të vogël se 50m nga celet e stacionit në vlerësim eksperti ka marrë në konsideratë zonën kritike të përbashkët. Eksperti ka përdorur të dhëna të kompanive, ose eksperti përdor të dhëna në dobi të publikut duke konsideruar për stacionet bazë fqinje fuqitë maksimale të lejuara për operim nga Autoriteti Komunikimeve Elektronike e Postare (AKEP).

Eksperti ka treguar se Zona Kritike rezultante e stacionit bazë në studim (shumatorja e fushave të dy operatorëve) kalon ose jo nivelet e referencës në zonat (hapësirat) ku ka prani të publikut.

Mosdeklarimi i të dhënave të sakta të stacionit dhe gjeneratorëve të burimeve të rrezatimit jojonizues, që implikojnë fushën e përhapjes së stacionit, mbeten përgjegjësi e kompanisë.

Eksperti në vlerësimin e tij thekson se:-Përmasat e zonës kritike janë të tilla që nuk prekin zonat publike dhe janë në përputhje me VKM, Nr.743, datë 16.10.2012, rregullore “Për mbrojtjen e publikut nga rrezatimet jojonizuese”.

Inspektori i ZMR-së bazuar në dokumentacionin e paraqitur si dhe në vlerësimin e ekspertit mendon që veprimtaria e këtij stacioni me burime të rrezatimit jojonizues është në përputhje me rregulloret në fuqi, si dhe rubrikat e aplikimit për akt miratimi janë plotësuar në mënyrë korrekte.

Inspektor

Tiranë më

Formati i Vërtetimit**VËRTETIM**

Vërtetojmë se Z./Znj.....
ka dorëzuar në ZMR dosjen për aplikim

.....
Nr.rendordatë.....
Numri i faqeve në total

Personi përgjegjës për pranimin e dokumentacionit në ZMR	Personi juridik ose fizik që dorëzoi dokumentacionin në ZMR
Emër _____ Mbiemër _____ Firma	Emër _____ Mbiemër _____ Nr.kartës identitetit _____ Firma

Ky vërtetim nuk e përjashton përdoruesin nga asnjë lloj detyrimi tjetër ligjor

SEKRETARI
Rustem PACI

KRYETARI
Ilir BEQAJ